

粵海舊聞錄(七)

祝秀俠

國父論詩與詩作

國父於文藝雖非專精，然傳世所撰舊詩數首亦自不凡，而詩論則間接見於胡展堂先生「不置室詩鈔」自註中。詩鈔卷八「與協之談述 中山先生論詩疊至韻」一首註云：

「民國七年時，執信偶為新體白話詩，中山先生輒詔吾輩曰，中國詩之美，逾越各國，如三百篇以逮唐宋名家，有一韻數句，可演為彼方數千百言而不盡者。或以格律為束縛，不知能者以是益見其工巧，至於塗飾無意味，自非好詩，然如床前明月光之絕唱，謂妙手偶得則可。惟決非尋常人能道也。今倡為至粗率淺俚之詩，不復求二千餘年吾國之粹美，或者人人能詩而中國已無詩矣。余（展堂自言）生平未親先生所為詩，但記民七年，先生去粵大元帥府，至日本箱根，宮崎滔天偕同志數人來迎，觸於環翠樓，宮崎席間求書，先生書『環翠樓中虬髯客。湧金門外岳飛魂。』十四字贈之，私認先生必能詩者而不肯示人，而其論詩則真先正之典型也。」

據此，國父對舊體詩殊讚美而對白話新詩認為粗俚矣。近人有云 國父接受西方文化而文藝亦主張新體詩，其未閱及不置室詩鈔可知也。

國父生平所撰舊詩三首如下：

輓劉道一

「半壁東南三楚雄。劉郎死去羈縻空。尚留遺業艱難甚。誰與斯人慷慨同。塞上秋風悲戰馬。神州落日泣哀鴻。幾時痛飲黃龍酒。橫攬江流一莫公。」

祝童潔泉七十壽

「階前雙鳳戾天飛。覽揆年華屈古稀。治國安民兒輩事。博施濟眾我公微。黃槐花照瑤觥識。寶桂香凝綵舞衣。所欲從心皆潔矩。蘭孫繞膝慶祥暉。」

民前十三年在日本仿陳近南製作詩歌交革命同志廣為宣傳，以備舉義時作聯絡暗號云：

「萬象陰霾打不開。紅羊劫運日相催。頂天立地奇男子。要把乾坤扭轉來。」

陳景華治盜與橫死

民初，吾粵警察廳長陳景華，於胡漢民督粵時就警察廳長職，值喪亂之餘，對廣州治安，不遺餘力，時有所謂百二友者，均市井宵小盜犯之徒，為害閭里，景華以嚴刑重典，處決百二友，日殺數十人，盡絕其根株，又嚴緝烟賭，以杜匪患，粵恆秩序，始克晏然，閭市為安，陳氏雖自稱嗜殺，亦無可奈何之事也。

景華原名陸達，曾中舉，與梁啟超為同年，後以大挑分發廣西任知縣，桂地盜風甚熾，陳氏任縣令，乃嚴保甲之法，每獲盜，不問首從，嚴刑審訊，多立斃杖下，以此盜風頓斂，時兩廣總督為桂人岑春煊，以景華性暴嗜殺，奏請革職，解粵訊辦，押解官為沈某，亦廣西一候補知縣，與景華夙相投契，景華自知解粵必無生倖，乃謂沈曰：蓋縱我。苟富貴，決不忘也。沈曰：今日事為公，吾豈敢以私縱君，從井救人，亦無益也。陸達不再言，夜半舟至梧州，晁水遁，中途趁輪赴香港，遂加入同盟會，在港從事革命工作。後聞岑春煊有引渡其歸案訊，即轉赴南洋，至辛亥革命，始隨胡漢民回粵任廳長。

民三年討袁失敗，袁世凱命龍濟光入粵，景華以在廣西時與龍有舊，故仍任廳長如故，龍且囑陳所任各人仍照舊供職，陳不疑有他。詎某粵紳以陳在任濫殺，且為革命黨人，密告於袁世凱，袁氏電令龍就地槍決。時值中秋佳節，龍氏約是晚在督轅賞月，陳依時赴讌，同時有南韶連清鄉督辦陳仲實，亦被邀在座，入席後，龍出示袁電，謂無可緩頰，但願以旨酒與君盡今夕歡。陳從容啖酒菜，盡白蘭地酒兩瓶，並草遺書與兒女及其妾莫愁，處理後事，井井有條，語監視者曰：可以行矣。大步踏出，隨押解於觀音山牛王廟

前與陳仲賓同時遇害。人謂景華嗜殺，多有戮及無辜，自身橫死，其亦報應歟？

羅浮山史事勝跡

羅浮山為廣東名山之一，合羅山、浮山兩山而稱。密林幽壑，泉水淙淙，雲山深處，分佈寺觀凡十餘座。羅山頂峯名飛雲峯，浮山頂峯名蓬萊峯，峯巒雄秀，山谷野花如錦，景色絕美。有關羅浮山記載，以西漢陸賈南越行紀為最早，自晉以後，故事益多，據言葛洪、呂洞賓、白玉蟾均在此修道成仙。大詩人李白、杜甫、劉禹錫、李賀等，均有詠羅浮山之作。六朝時代謝靈運更有羅浮山賦；而在此盤桓最久者，要算大文豪東坡居士



廣東才女，巾幗英雄張竹君女士（見圖），盧少岐與馬君武爭相追逐她，馳書求愛，人稱「盧馬爭犂」，傳為美談。

東坡於宋紹聖年間謫惠州四年，往來羅浮，留下許多遺蹟。詩作多用古體，其中為人傳誦者，即「羅浮山下四時春，盧橘楊梅次第新。日啖荔枝三百顆。不辭長作嶺南人。」七言絕句。

羅浮之沖虛觀，相傳為葛洪煉丹之處，早已荒廢，昔日殿階有老梅一株，為葛洪所手植，鐵幹虬枝，堅瘦如削，花開時，香烈異於常梅云。

「驢馬爭犂」逸事

在初期革命期間，有許多巾幗英雄致力革命工作，其冒險犯難精神，不讓鬚眉。女傑張竹君即其中之一。竹君番禺人，其父曾任清朝三品京官。光緒廿三年，即考入美國長老會辦之柔濟醫院附設夏葛女醫校就讀，四年

以優異成績畢業，在廣州開設診所行醫，其時相信西醫者少，而竹君診所則求診者接踵而至。後更在城南北設立平民醫院兩間，為病民大眾服務，醫院各建有福音堂，從傳教佈道，復漸談論時政，提倡新學，同情革命，對革命黨人多所協助。時胡漢民任廣州嶺海日報編輯，享譽文壇，與竹君友善。馬君武亦正肄業穗市，常往福音堂參加禮拜，談論國是，對竹君頓生愛慕，東莞富紳盧賓岐之子少岐與張竹君家為世好，過從甚密。少岐與竹君同時追求竹君，展開三角糾紛，竹君難所取舍，以獨身主義標榜，尋

盧少岐赴日深造，馬君武以情敵遠適，追求益力，惟竹君始終委婉拒絕馬君武求婚之意，馬消極沮喪，乃離穗往新加坡，後亦轉赴日本，以對伊人念念不忘，在梁啓超主辦之新民叢報上，撰一張竹君傳，極表傾慕之忱，當時胡漢民譴而近虐的告訴朋友說：

「馬君武、盧少岐爭相追求張竹君，可以說是『驢馬爭犂』」，一時傳為佳話。

竹君在辛亥革命之際，隻身北上赴滬，仍從事社會醫療救濟工作，結納當地士紳，尤與哈同夫人相投契。組織紅十字會，率領醫療人員前赴武昌，為革命人士掩護，在漢口碼頭清軍會向其連續槍擊，幾罹不測。革命成功，竹君由漢返滬，以募集棉衣醫藥支援革命前線，受到滬地各界英雄式之盛大歡迎。

民元以後，其多年老友胡漢民、黃興、馬君武等均位居要津，在此冠蓋滿京華之時，竹君淡泊自甘，反由絢爛歸於平淡，終身不嫁，收養孤苦兒童二十餘名，撫養其成人，其服務社會人羣，功成不居，克己愛人之精神，誠非常人所能及。

康有為未刊遺稿

康有為（南海）先生生平著述，多已出版流傳，其自編年譜，近年亦已出版發行，其生平詩作南海先生詩集凡十五卷，起自延香老屋集少作，迄於卒前二月五日七十覽揆紀事述懷七章（康氏卒於民十六年農曆二月廿八日）可謂全集矣。

惟其平日所撰文字，多已散佚，迄無人搜羅輯錄，其承嗣孫保延近搜得乃祖遺文二篇送予，囑刊入廣東文獻季刊，謹先誌之本錄並撮其內容

大略。

其一遺文爲「光祿寺少卿屠公梅君墓誌銘」內容述及：「光緒戊子己丑間，吾與公講學談政，過從日親。公累屬吾草奏……一日公退朝，朝衣遇我，正色言曰：今日百政之害，皆由垂簾，奄宦弄權，禍國不測，聖主聰明仁孝，大婚禮成，宜親大政，母后萬不可垂簾，君爲我草奏爭之……」

按屠梅君曾任御史，與南海氣味相投，在南海自編年稿中，有云：「屠梅君侍御篤守朱學，忠純剛直，每與語國事，輒流涕，舉朝無與比，吾頗爲草摺。」後屠梅君卒以言事革職，永不敘用。查屠梅君於光緒卅年卒於長安，南海爲其撰墓銘則在民十三年甲子。時南海游華山，見屠梅君幼子震達，感舊謁墓，乃爲之銘。

其二遺文爲「桂學答問及序」，序文言及光緒二十年秋，康氏以著書講學被議，遊於桂林林居風洞，過桂山書院。書院爲同治初年護理廣西巡撫康國器所建，置經史各書於院中，用惠桂人士。道光中，又有榕湖書院之建，歷任巡撫續有捐書。康氏居風洞月餘，來問學者踵屢相接，口舌有不給，門人請寫出傳語之，以告多士，因名曰桂學答問。

桂學答問凡數千言，歷述春秋公羊孔孟之學，經史如何研讀？古書如何辨偽？并舉出(一)讀史宜以史記漢書爲重。(二)宋儒義理明儒學案當細讀(三)當知目錄之學。(四)辭章之學宜先讀楚辭集注，次讀文選。(五)詩則導源文選，唐宋詩醇宜全讀。(六)讀書須求師友。(七)讀書當分專精、涉獵二事，專以致精，涉獵乃能致博。(八)凡百學問，皆由志

趣，宜先立志。

康氏言：所舉條目，爲學之初槩，良以四庫提要及書目問答，目錄浩繁，窮鄉僻遠，家無藏書，限於聞見，濡染無從，故爲導之先路。并謙言若大雅宏達，瞻見洽聞，則固無似區區也。

惠州府城巨榕之災

惠州友人言：惠州有府、縣二城，府城爲唐代尉遲敬德所建，城磚所刻年號仍隱約可觀。府城畔有巨榕一株，虬枝鐵幹，根株盤繞城垣，而覆蔭，幾廣及全城，想係唐時所植，迄民國已逾千年矣。民十四年春，忽一日巨颶突起，撼巨榕，風過去，巨榕連根拔起倒地，城亦崩圮全毀，是年陳炯明叛變，革命軍東征陷惠州，人以爲先兆云。

包青天曾遊七星岩

肇慶七星岩，爲吾粵名勝之一。由屏風、闔風、石室、天柱、蟾蜍、仙掌、阿坡七座石岩所組成。岩石成份爲石灰石，石洞陰森幽邃，鐘乳石、石筍、石柱等形成各種形狀。七星岩中，以屏風岩即觀音岩爲最著名。據傳，李邕爲發現七星岩最早之人，有石刻「端州石室記」，見翁方綱「粵東金石略」。北宋包拯曾官端州，岩內石壁有其題字曰：「提點刑獄周湛同提點刑獄錢聿知那事包拯同至。時慶曆二年三月初九題」云。

新會陳焯廿四史刻本

明以前無廿四史之名，清雍正十三年，明代史告成，合廿一史爲廿二史，其後又取「舊唐書」與「舊五代史」列爲正史。故廿四史之名，自

武英殿內府版爲之始。

同治年間，曾國藩飭江蘇、浙江、湖北、金陵、淮南五省官書局合刻汲古閣本廿四史，民間始有廿四史流行。武英殿版則非貴宦不易得。在此期間，吾粵新會陳焯（字偉南）曾有仿殿本廿四史刊行於世，陳刻較曾國藩五省局合刻爲早，曾國藩以元輔之力，令五省官書局始能成之，殿本則皇家御製，而陳焯竟以一家之力成此偉舉，至爲難能。

陳焯，新會外海人，外海陳家爲新會巨族，入資捐納爲郎，官玉工部虞衡司，其刊廿四史發軔於咸豐初年，當時主持校勘工作者爲南海曾劍（勉士），固吾粵經史大學者，陳澧有書札與此文燦云：「曾勉翁寓柳涉誦，爲新會陳氏校刻廿三史，并撰校勘記，此書成眞大觀也」（見番禺陳東塾先生書札）。

陳氏刻本名蔴古堂本，成於同治年間。書未刻成，曾劍已歿。民國初年，陳家書版，已多散失，抗戰前猶存十餘史，今迨蕩然無存矣。汪宗衍「廣東文物叢談」曾紀述陳蔴古堂本廿四史情形如此。

黃花崗花匠龔標

黃花崗有花匠龔標者，佛山人。自有黃花崗以來，龔即任花匠，整理園中花木，拂拭七十二烈士墓地，辛勤終日，數十年如一日，國府主席林森與龔友善，當年林森主持建黃花崗時，即供差役，老人慈祥平易，視龔如子侄，龔亦倍加尊敬，林就主席後，常念念不忘龔標，每年必有贈與，或爲金錢，或爲南京土產布疋，又嘗贈以玉

照，親書「鵝標工友惠存，林森敬贈」字樣。鵝對粵中革命風雲人物，固多認識，或謂何不求一較優之職，鵝莞然曰：「即此已足，復何他求。」在崗上結一茅屋以居，怡然自足。至抗戰勝利前夕，始溘然長逝。

嶺南三家之梁佩蘭

清初吾粵詩人三大家，為屈大均、陳恭尹、梁佩蘭。佩蘭番禺人，號藥亭，順治丁酉鄉試第一，時年二十六。詩名傳播海內，至康熙戊辰始成進士，授庶常，已年近花甲矣。散館改知縣，不肯赴吏部選，請假南歸，與諸名宿詩酒酬唱，自適其樂。人謂三家詩，屈詩為學人之詩，陳詩為詩人之詩，梁詩為才人之詩。嚴藕漁評曰：「藥亭詩如蒼松古梅，受日月之精華，歷雪霜之凝結，體堅氣厚，自然鐵幹虬鱗，橫斜聳立，即柔枝嫩萼，亦別具幽姿，絕非凡林可比」。傳世有六瑩堂詩集十六卷，文集若干卷。

孫科創辦市民大學

民國十年廣州正式設市，首任市長為孫科，其時南北國會分裂，廣州召開非常國會會議，成立臨時政府，為革命力量集中之地。當時廣州對於開擴革命事業關係攸重，則如何建設，除舊佈新，祛弊興利，責任至為艱巨。惟在莫榮新、陸榮廷桂系督粵之後，地方滿目瘡痍，百廢待舉，經費支絀，孫科所遭遇之困難至多。在其任內，有兩事足可紀述者。

一、廣州市內，無論大街小巷均有土地廟，

其中有完整者、有傾圮者，均屬市府公產，孫科以此等神權時代遺物，既於市容有礙，且有時香火所供，易為地方神棍藉詞斂資，跡近勒索，為化無用為有用，倡儀將街市土地廟公地一律公開拍賣，其所得款項，撥作建設經費，當時雖有人暗中梗阻，但卒獲地方士紳贊成，執行順利，於是廣州市內之土地菩薩，一時遭劫，悉被毀除，廟址公地，為出價購領者重新作其他建築，成為民國後地方政府首次毀廟賣地之偉舉。

二、孫科對於社會教育，亦頗為注意。當時廣州市內大專學府，非一般小市民所能就讀，孫氏在任事之初，即謀設一為小市民階級求知進修之所。使一般公務員及商店店員、家庭婦女可以利用工作暇時得有專門學術研究機會，旋即開辦「市民大學」，授課時間定在晚上；凡有志進修市民，不拘學歷年齡，均可報名入學，修業完畢，頒發證書。當時負責授課教授，多為名重一時的學者，陣容甚盛。與正式專上學校可以分庭抗體。惟該大學係屬社會教育性質，其目的在推行社教，增進市民智識，究與正式大學有別。孫氏此舉，實已在社教範圍中開一新格。

「河南」地名淵源

河南為珠江三角洲中之一大島，在廣州市對岸，面積約百餘平方公里。西有白鵝潭，東有黃埔，四週江水環繞，地勢平坦，所謂河南者，固然是地居珠江南岸，惟尚有一段故事：「羊城古鈔」載：漢章帝時，議郎楊孚居此，嶺南氣候常暖無雪，孚嘗移洛陽松柏種宅前，隆冬竟蜚雪盈樹

，人咸以為異，目其所居曰河南，河南之名自此始，蓋以洛陽之河南擬之也。

人稱廣東為革命策源地，而河南一地更為革命陣營中之溫床，國父領導革命時，曾設大本營於此，亦為黃埔軍校所在地。

漱珠岡為河南古蹟之一其地為晉朝廣州刺史盧循故城。海珠之南，即楊孚讀書處，至宋改名為萬松岡，岡上古松怪石林立。清嘉慶間，有道士李青來建純陽觀於此，觀後置壇名「願雲壇」高數十級，游人登壇遠眺，穗城風物，盡收眼底。易實甫嘗題詩曰：「風物清嘉信可娛，偶然乘興訪楊孚。村中樹樹皆紅玉，艇上家家有綠珠。首夏揚帆詩訪謝，春婆題扇夢憐蘇。南遊自負平生最，處處溪山似畫圖。」河南風物，此詩略可盡之。

朱子範抗戰詠史詩

國立中山大學教授朱子範，番禺縣人，幼承家學，枕籍經史，詩文皆卓犖大雅，少時見某報刊江太史霞公詩，指摘其失詢，霞公函召之，朱範惶窘甚。既謁，霞公曰：我輩翰林，僅以高頭講章俸致入選，非真有學問者也，汝年少而所評拙詩之失至當，願為忘年交。由是子範之名噪一時。鄒海濱奉國父命籌辦廣東大學，延為記室兼在文學院任教。子範記憶力特強，少時所讀書，中年以後猶朗朗上口無一字遺。性恬淡貞介，不慕榮利而勇於赴義，梁寒操先生稱其為真正讀書種子。自大陸淪陷，避地香江，旋入台供職教育，在師範大學、中醫學院任國文講席，適逢甲學

院擢舉於台中，受聘為專任教授，未數月以腦溢血去世。遺作頗多，其中抗戰詠史七律六十首膾炙人口，茲錄其數首以覘一斑。

薦溝橋變起云：

「蘆溝橋上朔風颯，又報城邊夜啄烏。啓覺未妨輕一戰，聞關曾不墮三都。見愁顧犬妨秋急，爭似偵豚畏死無。書到絕秦成底事，壁完歸趙已模糊。」

廣州陷敵云：

「是真矛戟兩同亡，珠海何人膽慨傷。儘有非攻城獨扼，斷無穿雋弩猶強。生憎伯約誇肝胆，死畏瑯琊有肺腸。曲直自來占勝負，不須戎卜跋焦羊。」

粵北大捷云：

「中原終望醉黃龍，保障天南第一功。已許胡林酬李牧，便從淝水斬符融。犬羊咸攝軍書急，鶴鶴聲譁鼓角雄。試向曲江問消息，邇來風度得毋同。」

日本投降云：

「喜聞東海縛長鯨，勝負分明局又更。戎首自應甘大戮，石頭終見脅齊盟。百年霸業消磨盡，三捷雄風鬱勃生。太息佳兵成一夢，天威築就受降城。」

聞台灣重入版圖云：

「五十年來恨始平，恬鱗輕舸逐潮生。人從巨浸瞻天近，地異孤懸接海橫。百戰幾曾銷折戟，牙遺何處不長城。西風落日波濤急，吹浪蛟鼉猶有聲。」

白沙先生故里

吾粵陳白沙，新會都會鄉人，遷居同邑距江門墟十二里之白沙鄉，學者稱爲白沙先生，先生爲理學大家，萬曆十三年始從孔廟，賜諡文恭，並賜聯云：「道傳孔孟三千載。學總程朱第一家。」粵人之從祀孔廟者祇白沙一人。學以自然爲宗，習靜主敬，究心理學，身體力行，爲一代大儒。

正統十二年登鄉薦，兩赴禮闈不第，歸鄉閉門讀書，築春陽臺，日靜坐其中，足不出戶。白沙故里勝跡，有門人湛甘泉題「白沙先生故里」數字，立於里門。抗戰時毀於日軍，勝利後，于右老補寫刻石。鄉中心爲「白沙祠堂」，有聯曰：「台築春陽，修學一生周茂叔。樓眠碧玉，吟詩千首邵堯夫。」後進爲碧玉樓。儲碧玉長尺許，相傳爲帝徵聘之禮物。里外有白沙釣台，臨河而築，爲陳氏後昆於清乾隆年間所建而光緒九年所重修者。

中外雜誌社敦聘

法學博士莊景琦大律師爲本社常年法律顧問并爲海內外讀者提供下列法律服務：

- 一、民刑訴訟
- 二、行政訴訟
- 三、海關稅務
- 四、公司登記
- 五、海商貿易

莊律師早年畢業國立北京大學，高等考試司法官外交官領事官初試再試及格，留學英美，獲法學博士學位，歷任司法官外交官公職凡四十年，精通中外法律。

莊律師事務所：台北市忠孝東路三段十巷八號

電話：七五一三四一七